



Nou pa rekile...

...Nou pa les tonbe

NOU RANFORSI BATAY

Nou pe al byento termin 2 zan ki LDS in pran mazorite Lasanble Nasyonal. Zis 2 zan.

LDS i annan en kantite travay devan li me i annan osi travay solid deryer li. In komans en lalit pou sanz nou pei e ou pa sanz en pei dan zis 2 zan. I annan en sistenm gouvènmàn diktater ki nou bezwen sanze, birokrasi pour demonte e koripsyon pour eliminen. Nou pankor fini.

Travay ki LDS in fer dan sa de zan i devre ganny rekonnèt.

Parey nou ti promet, nou'n sanz bann lenstisyon dan nou pei pou zwe en rol esansyel olye zis depann lo en Prezidan otokratik. Nou pe re-ekri listwar nou pei dapre laverite e non pa mansonz. Nou pe met kontrol lo larzan piblik. Nou pe demaske voler e triker.

Nou ti al dan Lasanble lo en promes sanzman.

Kisisa tou sa la si pa sanzman?

I vre i annan ki war nou pa pe al ase vit, ki nou tro soupl. Sa bann kritik pa merite e souvann fwa zot sorti kot bann ipokrit ki pa'n fer nanryen pou fer pei avanse.

LDS i konsyan son misyon e i pa re rekile. Lo tou bann size ki

nou'n leve nou pe pouse pou war laswit e pou ariv lo en konklizyon.

* \$50 milyon ki ti disparet, nou ankor pe rode. Nou le ki i ganny rann si i'n ganny vole.

* Later leta ki'n ganny pran malapropo par endividi e Parti Lepep, nou le ki i retourn pour vre lepep.

* Larzan FIU ek NDEA ki'n benefisyè bann ki ti la, fodre i annan rann kont.

* Pou napa ankor vol eleksyon.

* Asonpsyon nou pa'n met dekote e nou pou kontinyen veye ki Sesel pa vann son teritwar.

* Pri lavi. Nou pe rebran batay lo pratik STC e larzan ki i pey Parti Lepep.

* L'Union Estate, vol in arete e i pou anmenn larzan pou La Digue e pour let.

LDS pa'n dormi dan sa 2 zan ki nou'n la. Nou'n fer en gro travay san led lekzekitiv anba Prezidan Danny Faure, ki pe plito met retar.

Seselwa, LDS in vin sov Sesel zis a tan. Si pa ti nou, sa bato ti pou koule avan lot eleksyon. Nou tou, annou gete ki nou kapab fer pour nou avanse.

Solidarite avek en pei an dey

Sesel in mark 2 semenn trazed. Probableman la mazorite nou in ganny touse personelman par bann lensidan ki'n war lanmor plizyer nou sitwayen dan fason trazik.

Lo en nivo nasyonal, koman en pep antye, nou pran par dan sa bann maler e nou partaz soufrans sa bann fanmir ki'n perdi zot pros. Efektivman, i en nasyon antye ki an dey.

Premyerman nou rapel sa de zanfan ki ti perdi zot lavi dan aksidan bato letan zot ti pe retourn Praslin sorti lafet 15 Out La Digue. Sa 2 zenn marnmay, Alizee Payet e Liam Leon, ti annan zot lavi devan zot.

Lot trazed k'in tous Praslin pros osi i konsern lanmor Kaptenn Pierre Grandcourt, en zanfan sa zil. En profesyonel byen respekte dan nou soyete, Kaptenn Grandcourt ti lo en misyon sovtav menmler i ti perdi son lavi. Kaptenn Grandcourt in



Kaptenn Grandcourt

annan servis devoue pour son pei, enkli en letan kot i ti aktiv dan politik e debout koman kandida parti lopoziyon SNP pour Lasanble Nasyonal.

Lensidan avek bato IDC lo zil Coetivy in osi en trazed ki'n tous dimoun partou dan Sesel. In enplik 4 dimoun ki'n prezimen mor kwa ki zot lekor pankor ganny trouve ziskan konmela. I annan trwa zenn Seselwa, Darren Morel, Nigel Fanchette e Norcy Serret ensi ki en Sri Lankan, AV Prematilaka.

Apard sa bann lensidan in annan osi lanmor avek lezot lakoz pa normal : En aksidan moter, en swisid, en ka prezimen labi drog, en viktim krim dan prizon e en lot ki'n ganny trouve mor dan sityasyon ki pa klar.

LDS i servi mwayen sa piblikasyon pou eksprim kondoleans e senpati pour tou bann fanmir e zanmi sa bann dimoun ki'n ganny touse. Nou partaz zot soufrans e nou espere ki zot a war kouraz pou fer fas avek sa bann kou dir. Dan sa moman difisil, nou solider avek tou bann ki maler in touse.

In ler pou Danny Faure reponn OLI SON RESPONSABILITE?

En katite problemm pe vin a zour dan nou pei. Travay LDS in montre kote nou pei in al dan en move dirksyon e ki pep Seselwa in pey lakonsekans.

Si pri lavi i o, si larzan lepep in disparet, si koripsyon in antre dan tou sa bann lorganizasyon gouvènanman, Danny Faure i konn keksoz ladan.

Danny Faure in dan en pozisyon pou-vwar depi plis ki 30 an. In Minis dan plizyer minister, In okip en pozisyon kle koman Minis Finans ler en kantite sa bann labi in pase. In Vis-Prezidan depi 2004 e plizyer lorganizasyon Gouvènanman ti tonm anba son responsabiite.

Danny Faure in fer tou sa ki i kapab pou fer SPPF/Parti Lepep reste o-pouvwar. I ti en lakle dan kanpanya eleksyon Prezidansyel an 2015. I byen okouran bann trik ki ti pase e bann larzan ki ti ganny de-

tournen pour ganny eleksyon.

Ozordi Msye Faure i zwe linosans dan tou sa ki'n pase dan lepep. I pe sey zwe bon boug lo tou kote, pa ofans person, me osi pa pran aksyon pou rezourd okenn sa bann problemm ki ekziste. I pe sey anmyel bann biznesmenn san rekonnèt ki i ti ede ser zot dan lepep. Se koumsa

Danny Faure i fer par nou problemm - i pa solisyon.

ki i pe sey batir en nouvo plat-form pour debut pour eleksyon ki pe vini.

I byen ki nou met lepep dekote parfwa, me nou pa devre bliy tro vit. Prenyerman fodre tou politisyen i pran responsabilite pour zot aksyon.

In ler pour Danny Faure reponn kekyon lo son rol dan tou sa ki'n pase.

ESKI TOU SA LA I REZON AKOZ FAURE PA PE FER NANRYEN KONT SA BANN PROBLEM OZORDI?

Problemm ek travayer etranze Mank responsabilite bann Minis

Problemm ki pe arive avek bann travayer etranze i en laont pour Sesel. Nou repitasyon pe ganny afekte. E sa i osi en prezidis pour travayer Seselwa.

Sa bann problemm i annan lakoz. Regilasyon i la. Me bann Minister pa pe pran zot responsabilite pou enplimant lalwa ki ekziste.

Zot in anvoy bann zofisye reponn kekyon lo televizyon e Minis pe kasyet deryer aköz i annan salte. Si ti bon nouvel, zot ti pou premye devan.

Lekel ki annan kontener kot SPTC?

Dapre rapor, dife ki ti pran kot SPTC ti komans dan en kontener pour en lakonpani prive. Sa i lev kekyon lekel ki ganny privez met son kontener kot SPTC? Eski SPTC pe pran responsabilite pour biznes prive ki enterfer avek sekirite son landrwa? Sa i kekyon ki lanket i devre adrese e komite ki pou raport lo sekirite dan lavil i bezwen pran kont ki bann lantrepriz leta pa ganny melanze ek biznes prive.

Lasanble pou fer lanket dan tarif PUC

Bokou dimoun i santi ki PUC ti pran lokazyon ki Lasanble pa an sesyon pour li anons logmantasyon dan tarif pour konsomater.

Lasanble napa pouvwar pou desid tarif PUC, me i kapab demann leksplikasyon e gete si keksoz ti kapab ganny fer en lot manyer. O mwen, i kapab met konsern konsomater devan dan en forum konsekan olye les tou dimoun kriy dan divan.

Lasanble in table en mosyon pou revwar desizyon PUC e spesyalman regarde si i annan lot fason pour reponn son bann bezwen lenvestisman.

Batay pou kontrol pri lavi i enn ki bezwen kontinyel, e LDS pe reste vizilan lo sa size. Kot nou war en fason pou redrese, nou pou met presyon.

TYEK NOU WEBSITE!

Nou an linny lo ladres

www.lds.sc

Ganny nouvel e tou lenformasyon parti.

Reste an kontak.

AKTIVITE SPOR GLACIS

MNA pou distrik Glacis I envit ou pou vinn anrezistre pou aktivite spor dan distrik ki pou ganny fer dimans le 16 septanm aparti 7 er bomaten. Pou annan marathon, relay football, domino e lezot aktivite. Ou kapab anrezistre par lekipe oubyen endividu. Pou anrezistremann kontakte MNA lo 2781347 oubyen Sekreter lo 2826010. Aktivite pou deroul anba tenm
BOUZE POUR OU LASANTE.